



# SLUŽBENE NOVINE

## KANTONA SARAJEVO

Godina XIX – Broj 3

Četvrtak, 23. januara 2014. godine  
SARAJEVO

ISSN 1512-7052

### KANTON SARAJEVO

#### Skupština Kantona Sarajevo Etičko vijeće

Na osnovu člana 34. stav 2. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst, broj 41/12 i 15/13) i Zaključka Etičkog vijeća broj 01-05-29616-1/13 od 15.11.2013. godine, na sjednici održanoj dana 17.12.2013. godine Etičko vijeće donijelo je

#### POSLOVNIK

#### O RADU ETIČKOG VIJEĆA SKUPŠTINE KANTONA SARAJEVO

##### I. OPĆI PRINCIPI

###### Član 1.

Poslovníkom o radu Etičkog vijeća Skupštine Kantona Sarajevo (u daljem tekstu: Poslovník) uređuje se nadležnost Etičkog vijeća (u daljem tekstu: Vijeće), prava i dužnost, način rada, postupak odlučivanja i izricanja mjera Vijeća, te druga pitanja koja se odnose na rad i funkcionisanje Vijeća.

###### Član 2.

1. Vijeće radi u skladu sa Ustavom, Poslovníkom Skupštine Kantona Sarajevo i Etičkim kodeksom poslanika/zastupnika u Skupštini Kantona Sarajevo (u daljem tekstu: Kodeks) i ovim Poslovníkom.
2. Način rada Vijeća u vezi sa pitanjem koja nisu uređena ovim Poslovníkom uređuje se Zaključkom vijeća.

##### II. NADLEŽNOST VIJEĆA

###### Član 3.

Vijeće je nadležno da:

- a) prati i analizira rad izabranih zvaničnika Skupštine Kantona Sarajevo (u daljem tekstu: Zvaničnici), te ukazuje na pojave kršenja Kodeksa;
- b) razmatra podnesene pismene prijave za sve oblike kršenja pravila Kodeksa;
- c) vodi postupak po podnesenoj prijavi, ispituje njenu osnovanost i odlučuje da li postoji povreda Kodeksa u konkretnom slučaju;
- d) u slučaju utvrđene povrede Kodeksa donosi odluku o izricanju mjere u pisanoj formi sa obrazloženjem;
- e) jednom godišnje izvještava Skupštinu Kantona Sarajevo o svom radu;

- f) prima inicijative za izmjenu i dopunu Kodeksa i predlaže Skupštini Kantona Sarajevo izmjene i dopune ukoliko se ukaže potreba, na osnovu stečenih iskustava u radu Vijeća;
- g) vodi evidenciju o izrečenim mjerama.

###### Član 4.

PREDSEDNIK VIJEĆA IMA PRAVO I DUŽNOST DA:

- a) saziva sjednice Vijeća i predlaže dnevni red;
- b) učestvuje u pripremi i predsjedava sjednicama Vijeća;
- c) stara se o primjeni Poslovnika;
- d) stara se o ostvarivanju prava i dužnosti članova Vijeća u vezi sa kršenjem njihovih funkcija ili nadležnosti Vijeća;
- e) potpisuje akte koje donosi Vijeće;
- f) saraduje sa predsjedavajućim i sekretarom Skupštine Kantona Sarajevo.

##### III. NAČIN RADA VIJEĆA

###### Član 5.

1. Sjednice Vijeća saziva predsjednik po svojoj inicijativi i na prijedlog većine članova Vijeća;
2. U slučaju spriječenosti odnosno odsutnosti predsjednika Vijeća zamjenjuje ga dopredsjednik Vijeća;
3. Vijeće akte iz svoje nadležnosti donosi većinom glasova od ukupnog broja izabranih članova Vijeća;
4. Rad Vijeća je zatvoren za javnost;
5. Članovi Vijeća ne mogu iznositi u javnost informacije o postupku provjere niti pred drugim zvaničnicima sve do njegovog završetka i donošenja konačne odluke.

###### Član 6.

Poziv za sjednicu Vijeća dostavlja Služba za skupštinske poslove najkasnije 3 (tri) dana prije održavanja sjednice.

###### Član 7.

Članovi Vijeća izuzet će se ako su:

- a) U predmetnom postupku stranke ili svjedoci;
- b) Ako je sa zvaničnikom protiv kojeg se vodi postupak srodinik po krvi u prvoj liniji, a u pobočnoj do četvrtog stepena zaključno, bračni drug ili srodinik po tazbini do drugog stepena zaključno pa i onda kada je brak prestao.

###### Član 8.

1. Član Vijeća odmah po saznanju da postoji neki od razloga za izuzeće iz člana 7. ovog Poslovnika dužan je da prekine svaki drugi rad i o tome obavijesti predsjednika Vijeća.

2. Ukoliko član Vijeća smatra da postoje i druge činjenice i okolnosti koje mogu da dovedu u pitanje njegovu nepristrasnost a nisu navedeni u članu 7. Poslovnika, može tražiti izuzeće u radu Vijeća.
3. O izuzeću člana Vijeća odlučuje se zaključkom.

#### IV. POSTUPAK ODLUČIVANJA

##### Član 9.

Prijavu o povredi odredbi Kodeksa mogu podnijeti:

- a) izabrani zvaničnik Skupštine Kantona Sarajevo;
- b) Kolegij;
- c) predsjedavajući i klubovi poslanika/zastupnika;
- d) predsjednici klubova naroda;
- e) građani.

##### Član 10.

1. Prijava za kršenje pravila Kodeksa (u daljem tekstu: Prijava) se podnosi Vijeću u pisanoj formi. Prijava treba da sadrži:
  - a) ime i prezime podnosioca Prijave, adresu prebivališta i kontakt telefon;
  - b) ime i prezime zvaničnika Skupštine Kantona Sarajevo protiv kojeg se Prijava podnosi;
  - c) opis kršenja Kodeksa uz tačno navođenje odredbi Kodeksa za koje podnosilac Prijave smatra da su prekršene;
  - d) dokazi na osnovu kojih podnosilac Prijave smatra da je izvršena povreda Kodeksa;
  - e) potpis podnosioca Prijave.
2. Ako podnosilac Prijave predlaže saslušanje svjedoka, dostavljaju se njihove potpisane izjave u pisanoj formi.
3. Prijave se dostavljaju na protokol Skupštine Kantona Sarajevo u zatvorenoj koverti za naznakom "Etičko vijeće" i ista se dostavlja predsjedniku Vijeća putem Skupštinske službe. Služba je dužna o prijemu iste odmah obavijestiti predsjednika Vijeća.
4. Identitet podnosioca prijave i eventualnih svjedoka ostaje poznat samo članovima Vijeća do okončanja postupka, a o otkrivanju identiteta istog odlučuje Vijeće nakon sprovedenog postupka.

##### Član 11.

1. Ako je prijava nerazumljiva i nepotpuna, Vijeće će zatražiti od podnosioca Prijave dodatne informacije prije preduzimanja postupka prijave.
2. Ukoliko prijava ne sadrži sve podatke koji su propisani članom 10. tačka 1. ovog Poslovnika Vijeće će prijavu odbaciti.

##### Član 12.

U postupku donošenja odluke Vijeće će utvrditi sve činjenice i okolnosti koje su značajne i omogućit će strankama u postupku da ostvare i zaštite svoja prava.

##### Član 13.

1. Vijeće postupak po Prijavi vodi odvojeno za svakog zvaničnika.
2. Vijeće će obavijestiti zvaničnika protiv kojeg je podnesena prijava radi kršenja pravila Kodeksa, najkasnije 5 (pet) dana po prijemu Prijave, te mu ostaviti rok od 7 (sedam) dana da dostavi odgovor na Prijavu u pisanoj formi uz sve relevantne dokaze (pisane dokumente i izjave svjedoka).
3. Ukoliko u ostavljenom roku zvaničnik protiv kojeg je prijava podnesena ne dostavi odgovor u pisanoj formi, Vijeće će postupiti i odlučiti na osnovu dokaza koji su predloženi.

##### Član 14.

1. Predsjednik Vijeća saziva sjednicu Vijeća i na istoj prethodno poziva sva lica čije je prisustvo potrebno za odlučivanje o predmetnoj stvari.
2. Na sjednici se daje mogućnost zvaničniku protiv kojeg je podnesena Prijava da iznese svoju odbranu uz predložene svih relevantnih dokaza.

3. Na sjednicu može biti pozvan i podnosilac prijave i predloženi svjedoci obje strane.
4. Na sjednicama Vijeća vodi se zapisnik koji se sastavlja u skladu sa odredbama Zakona o upravnom postupku.

##### Član 15.

1. Vijeće će razmotriti prijavu i donijeti odluku najkasnije u roku od 30 dana od dana prijema Prijave.
2. Vijeće može donijeti odluku kojom prijavu odbija kao neosnovanu.

##### Član 16.

Vijeće će po okončanom postupku po podnesenoj Prijavi dostaviti odluku o izvršenoj mjeri podnosiocu Prijave i zvaničniku protiv kojeg se prijava podnosi i to najkasnije u roku od 7 (sedam) dana od dana donošenja odluke.

#### V. IZRICANJE MJERA

##### Član 17.

1. Za povrede Kodeksa Vijeće može izreći sljedeće mjere:
  - a) pismena opomena;
  - b) novčana kazna;
  - c) javna opomena s objavom u sredstvima javnog informisanja.

##### Član 18.

O vrsti mjere iz člana 17. ovog Poslovnika Vijeće odlučuje u svakom konkretnom slučaju.

##### Član 19.

Odluku o izricanju javne opomene i osude ponašanja zvaničnika na sjednici Skupštine Kantona Sarajevo saopštava predsjednik Vijeća.

##### Član 20.

Odluka o izricanju javne opomene objavljuje se na web-stranici Skupštine Kantona Sarajevo u trajanju od 30 dana.

#### VI. ŽALBENA PROCEDURA

##### Član 21.

1. Na izrečene mjere Vijeća zvaničnik može uložiti žalbu Komisiji za izbor i imenovanje i administrativna pitanja Skupštine Kantona Sarajevo.

##### Član 22.

Ovaj Poslovnik stupa na snagu narednog dana od dana objavljivanja u Službenim novinama Kantona Sarajevo, a bit će objavljen i na web stranici Skupštine Kantona Sarajevo.

Broj 01-05-31441-1/13  
17. decembra 2013. godine  
Sarajevo

Predsjednik  
Etičkog vijeća  
Skupštine Kantona Sarajevo  
Ivan Briđić, s. r.

#### Vlada Kantona Sarajevo

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), a u vezi sa članom 163. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10, 26/12 i 15/13), Vlada Kantona Sarajevo, na 51. sjednici održanoj 14.01.2014. godine, donijela je